

TLACHIHUALIZTLAHTOLLI: ON, HUAL

Ome achitlahtolli, **on** huan **hual**, quiihtoa ica campa o queniuhqui mochiua ce tlamantli.

1. **On** huan **hual** techillia ica campa yohui ce macehualli. **on** quiihtoznequi "ica nepa", huan **hual** quiihtoznequi "ica nican" o "ica huahca"

Mohmoztla ontlachia notelpoca momillah. (yohui ica nepa)  
 Mohmoztla huatlachia motelpoca nomillah. (huallauh ica nican)

2. **On** huan **hual** no motequiuhua quemman ce macehualli quiillamiqui izanil ica ceyoc tlen mochiuhqui zan huahca: hueliz zanilohque pan teléfono o axmopanoqueh nechca. Tlen tlaillamiqui, quinextia izanil ica **on**, huan quinextia ica hual izanil macehualli tlen ica zaniloa.

Yalhuaya Moises nechnohnotzqui pan teléfono. Nah nicontlahtlanilih, "¿Queniuhqui itztoc mocihuauh?" Huan yah nechhualnaquilih, "Cualli". Teipan nechhualtlahtlanilih, "¿Queniuhqui itztoc motetah?" Huan niconnanquilih, "Cualli, titlazcamati". Nouhquia nechhualililih, "Niman niyaz nimitzpaxaloti". Huan niconililih, "Xihuallauh quemman tah ticnequiz".

3. **On** huan **hual** no motequiuhua quemman ce macehualli quiillamiqui zanilli tlen ceyoc macehualmeh. **On** quinextia izanil macehualli tlen itztoc inechca, huan **hual** quinextia izanil macehualli tlen itztoc huahca: hueliz zanolohqueh pan teléfono o zan huahca.

Chicueyiyah nopah huan nah tiyahqueh millah. nopah quipanti ce macehualli zan huahca. nopa tlatat quihualtlahtlanilih ¿Can tia tlayi? nopah, quionnanquilih, niya nomilah nitlachiyatih tlan axtlacuahtohqueh totomeh.

4. **on** nouhquiya quiihtoznequi ce macehualli quichihuaz ce tlamantli zan tlatoctzin, pampa teipan quichihuaz ceyoc tlamantli.

Moztla niontequititi momillah huan niman nimocuapaz.  
 Eliazar ontlacuaz huan namantzin yaz momachtiti.


5. Motequiuhua **on**- huan **zan**, quemman macehualli quinequi quichihuaz ce tlamantli zan tlatoctzin, pampa teipan quinequi quichihuaz ceyoc tlamantli tlen yah quiitta tlahuel monequi ma mochiua.

Zan nicontlamiz nicpique nochichiquil, huahca nicochiti.  
 Zan xionmotlaloti huahca timaltiqui.

6. Quemman **on** huan **hual** motequiuhua zancehco, **on** zan quitoznequi mochiua ce tlamantli zan tlatoctzin.

Tionhualtequiticoh.  
 Noconeuh nechonhualnohnotza mohmoztla.  
 Zan niconhualtlamiqui notequiuh, niyaz nochan.

Tlacopintli: tlachihualiztlahtolli iachitlahtol: **on** huan **hual**.



Tequitl:

*Xicxehxelo tlahtolli huan xiquihcuilo tlen quihtoznequi iachitlahtol:*

niontequiti	inonyohuih	ontlacuah	tiontlamachtiah	onhuica
tionzaniloa	nionmaltia	onmocehuih	inoncochih	nionmoquetza
onatli				

tihuallauh	hualmotlaloah	nihualtequiti	tihualmonti
hualhuetzi	hualtepehui	tihualpanquiza	hualneci tonatiuh